

## פרק כו

(א) לְדוֹד שְׁפָטְנִי יְהוֹה כִּי אָנִי בְּתַמִּי הִלְכְתִּי וּבִיהוֹה בְּטַחְתִּי לֹא  
אֲמַעַד: (ב) בְּחַנְנִי יְהוֹה וְנִסְנִי צְרוּפָה {צָרְפָה} כְּלִיּוֹתִי וְלִבִּי: (ג)  
כִּי חֲסֹדְךָ לְנֶגֶד עֵינַי וְהִתְהַלַּכְתִּי בְּאַמְתְּךָ: (ד) לֹא יִשְׁבְּתִי עִם מְתִי  
שׂוֹא וְעִם נְעֻלְמִים לֹא אָבוֹא: (ה) שְׁנֵאתִי קֵהֵל מְרַעִים וְעִם  
רְשָׁעִים לֹא אֵשֵׁב: (ו) אֲרַחֵץ בְּנִקְיוֹן כַּפָּי וְאֶסְבְּבָה אֶת מַזְבֵּיחְךָ  
יְהוֹה: (ז) לִשְׁמַע בְּקוֹל תּוֹדָה וּלְסַפֵּר כָּל נִפְלְאוֹתֶיךָ: (ח) יְהוֹה  
אֶהְבֵּתִי מֵעוֹן בֵּיתְךָ וּמְקוֹם מִשְׁכַּן כְּבוֹדְךָ: (ט) אֵל תִּאֶסֶף עִם  
חַטָּאִים נַפְשֵׁי וְעִם אַנְשֵׁי דָמִים חַיִּי: (י) אֲשֶׁר בִּידֵיהֶם זְמָה  
וַיִּמְנָם מְלֶאכֶה שַׁחַד: (יא) וְאָנִי בְּתַמִּי אֵלֶךְ פְּדֹנִי וְחַנְּנִי: (יב) רַגְלֵי  
עֲמָדָה בְּמִישׁוֹר בְּמִקְהָלִים אֲבָרְךָ יְהוֹה: